

YANGI O‘ZBEKISTON

Ijtimoiy-siyosiy gazeta

№ 4 (1064), 2024-yil 6-yanvar, shanba



www.yuz.uz



yuz.uznews



yuz_official



yuz.uz_news



yuz



JAMOAT TRANSPORTI

arzon, qulay va xavfsiz harakatlanish vositasiga aylana oldimi?

Taraqqiyot mezonlari

O‘tgan yil yurtimiz hayotida qizg‘in davr bo‘ldi. Odamlarga qulaylik yaratish, turmush sharoitini yaxshilashga qaratilgan ishlar har bir yurtdoshimiz hayotida aks etyapti. Ayniqsa, ortda qolgan yil davomida bu tizim chin ma’noda isloh etilib, yangicha, zamonaviy va raqamlashgan ko‘rinishga keldi. Nafaqat poytaxtimiz, balki viloyatlarda ham yangi avtobus yo‘nalishlari harakati yo‘lga qo‘yilib, xizmat sifati ancha yaxshilandi. Yurtdoshlarimizning tizimdagi xizmatlardan foydalanish ko‘rsatkichi ham shunga mos tarzda oshdi.



Albatta, shahar sharoitida jamoat transportidan foydalanish ko‘pchilik uchun qulay. Har kuni o‘qishga, ishga yoki boshqa yumush bilan biror manzilga qatnaydigan odamlar uchun arzon, tezkor va xavfsiz transport vositasi zarur. Bu vazifani esa biror avtobus jamoat transportchilik uddalay olmaydi. Qolaversa, Toshkent shahrida yengil avtomobillar soni tobora ortib,

yo‘llarda tirbandlik ko‘paygan, shaxsiy avtomobilda harakatlanish qiyinlashib boryapti.

Chindan ham bir vaqtlar faqat kinolarda ko‘rganimiz avtomobil yo‘llaridagi uzundan-uzun tirbandliklar bugun poytaxtimiz uchun ham oddiy holga aylandi. Ayniqsa, ertalab va kechqurungi tig‘iz paytlarda bu tirbandliklar yanada ortadi.

To‘g‘ri, bu aksariyat rivojlangan davlatlarga xos. Toshkent shahri esa Markaziy Osiyodagi eng yirik megapolis. Aholi soni tez o‘syapti, yiliga o‘rtacha 100 mingga oshmoqda. Ma‘lumotlarga ko‘ra, bugungi kunda poytaxtimizda 5 million aholi bo‘lib, shundan 3 millioni doimiy istiqomat qiluvchilardir. Shahrimizga kelib-ketuvchilar ham ko‘p. Odamlarning aksariyati doimiy harakatlanishda jamoat

transportidan foydalanishni afzal ko‘radi. Mavjud talabni qondirish zarurati esa ko‘proq avtobus va yo‘nalishlarga ehtiyoj tug‘diradi. Ya‘ni jamoat transportini rivojlantirish orqali aholining ulardan foydalanish ko‘rsatkichini oshirib, tirbandliklarni qisqartirish, ekologik xavfsizlikni ta‘minlash kabi vazifalarga erishish mumkin.

► Davomi 3-betda

Daxldorlik tuyg‘usi

TARIXIY UCHRASHUV SHUKUHI

Bu yurtda ko‘kragi qalqonlar yashar!

Hammamiz shukrona bilan kuzatgan 2023-yilning 22-dekabr kuni Respublika Ma‘naviyat va ma‘rifat kengashining kengaytirilgan yig‘ilishi bo‘lib o‘tdi. Bu uchrashuv tarixiy bo‘lishi kerak, dedi Prezidentimiz majlis avvalida. Xuddi shunday bo‘ldi.

Uchrashuvda ma‘naviyat masalasini mutlaqo yangi bosqichga ko‘tarish masalasi prinsipial, qattiq qo‘yildi. Mamlakatda ma‘naviyat-rifoiy ishlar mazmuni mutlaqo yangi tushunchalar bilan boyidi. Masalan, yangi O‘zbekiston yoshlari uchun ma‘naviy ideal — milliy obraz, namuna berildi. “Ma‘naviyat sektori”, “Amir Temur bog‘lari”, “bu yorug‘ dunyoda o‘zbek”, “O‘zbekiston” degan nomlar bilan yashab qolish”, “milliy g‘oyani rivojlantiruvchi dasturiy hujjat”, “uyg‘oq qalbli ziyolilar”, kabi tushunchalar har bir o‘zbekistonlik qalbida faxrni yuksaltirdi, ogohlilni kuchaytirdi.

Ayniqsa, “Konstitutsiya va qonunlarimizga zid pozitsiyalar”, “G‘oyaviy-mafkuraviy sohada raqobatga tayyormizmi?”, “Yosh avlodimiz tabiiyati murakkab zamon talablariga javob berayotmi?” tarzida qo‘yilgan savollar bu borada qilinishi talab etilayotgan ilmiy-amaliy ishlar mavzusini belgilab berdi.

Ma‘ruza barcha ziyolilar — ma‘naviyat va ma‘rifat xodimlari, murabbiylar, shoir-

yo‘ruvchilar, san‘atkorlar, targ‘ibotchilar, mahalla faollari, tyutorlar, ma‘naviyat-rifoiy ishlar mas‘ullariga g‘oyaviy kuch, qudrat berdi.

Yig‘ilishda ma‘naviyat ishining mashaqqati ham go‘zal ifodasini topdi. “Bir kishini inonitirish, ishonitirish — igna bilan quduq qazishdek qiyin” ekani aytili. Endi har kuni qulog‘iga “menga inon, menga ishon”, deb gap o‘rgatayotgan ijtimoiy tarmoqlar ta‘sirida yashayotgan 36 million kishini inonitirish, ishonitirish nimaligini o‘zingiz tasavvur qilib ko‘ring. Bir narsa aniq — ish 36 million karra bo‘ladi.

Eng muhimi, muammoni yechishning ilmiy, metodologik vazifasi — inonitirish va ishonitirishni birga, uyg‘un olib borish tushuntirildi. Targ‘ibot-tashviqotning mana shu ikki fundamental formulasi ochib berildi. Shu paytgacha inonitirish metodi bilan ishonitirish metodlarining farq va xususiyatlari masalasi biror marta ko‘tarilmagan edi. Bu bizga yangi ilmiy tadqiqotlar mavzusini belgilab berdi.

► Davomi 5-betda

Bugunning gapi

“QUYOSHLI XONADON” ishonchli va barqaror energiya manbai



Bugungi kunda O‘zbekistonda nima uchun energetika tizimiga katta e‘tibor qaratilyapti? Tarmoqda ilgari imkoniy qo‘qdek tuyulgan yirik loyihalarga qo‘l urilmoqda? Ushbu savollar javobi oddiy — bu davr talabi, hozir zamon shiddatli, shunga yarasha ehtiyojlarimiz ham ortib bormoqda. Bu esa, o‘z navbatida, yangi tashabbus va g‘oyalarni amalga oshirishga undayapti. Shu bilan birga, energetika sohasini rejalashtirish rivojlanish va barqarorlikni ta‘minlash yo‘lidagi milliy maqsadlarimizga bevosita bog‘liq jarayon. Ekologik toza, moliyaviy nuqtayi nazardan amalga oshirish oson, xavfsiz va ishonchli energiya manbasiga ega bo‘lish har qanday davlatning iqtisodiyotiga ijobiy ta‘sir ko‘rsatadi. Qolaversa, bunday sa‘y-harakatlar odamlar turmush tarzi yaxshilanishiga olib keladi.

Qayd etish joizki, ayni paytda butun dunyoda barqaror hamda qayta tiklanuvchi energiyalarning o‘ziga xos tushunchasi yuzaga kelgan. Barqaror energiya tugab qolmaydigan hamda yangilash yoki to‘ldirish shart bo‘lmaydigan har qanday energiya manbasini o‘z ichiga oladi.

Bundan tashqari, barqaror energiya atrof-muhitga zarar yetkazmaydi yoki zarar darajasi kam. Uning e‘tiborli xususiyatlaridan yana biri — energiyani olish usullarini yaratish va mexanizmlarini qurish xarajatlar bilan bog‘liq bo‘lsa-da, manbalari, (shamol, quyosh, suv va kabilar) odatda bepul bo‘ladi. Bu turdagi

energiya manbalari tugamasligi va deyarli hamma uchun keng tarqalganligi bilan alohida ajralib turadi.

Bu borada O‘zbekistonda ilg‘or xalqaro tajribalar qo‘llangan holda, o‘z navbatida energiya ehtiyojlarini qondirish va energetika tarmog‘i yanada rivojlanishini ta‘minlash maqsadida izchil hamda keng ko‘lamli ishlar olib borilmoqda. Yurtimizda elektr energiyasiga bo‘lgan talabning 84,7 foizi issiqlik elektr stansiyalari, 14,3 foizi gidroelektr stansiyalari, 1 foizi blokstansiyalar hissasiga to‘g‘ri keladi.

► Davomi 2-betda

Tahlil va taqqos

MEGA LOYIHALAR va KENG KO‘LAMLI BUNYODKORLIK yirik sanoat korxonasi faoliyatida katta ahamiyat kasb etmoqda

“Olmaliq kon-metallurgiya kombinati” aksiyadorlik jamiyati — mis-molibden, polimetall va oltin tarkibli ma‘danlarni qazib olish va qayta ishlash bo‘yicha O‘zbekistonda yagona va Markaziy Osiyoda yetakchi korxonalar hisoblanadi. Mis mahsulotlari ishlab chiqarish bo‘yicha dunyodagi 30 ta yirik kompaniya safidan ham shu jamiyat mustahkam o‘rin egallagan.



Kombinatda 35 mingdan ziyod ishchi-xodim ishlaydi. Yiliga 148 ming tonnadan ortiq mis katodi, 90 ming tonna rux metalli, shuningdek, oltin, kumush, molibden, volfram, reniy, selen, tellur, kadmiy, palladiy kabi noyob metallar ishlab chiqariladi. 17 xil mahsulot 20 ga yaqin xorijiy davlatga eksport qilinadi. Mamlakatimizda ishlab chiqarilayotgan sanoat mahsulotining 7 foizi, eksport hajmining 15 foizi mazkur kombinat hissasiga to‘g‘ri keladi.

Kombinatda bugungi kunda ro‘yobga chiqarilayotgan istiqbolli loyihalar ko‘lami har qanday kishida hayrat va g‘urur uyg‘otadi. Shundan kelib chiqib, kombinat misolida mamlakatimizda 2023-yilda amalga oshirilgan ishlar, “O‘zbekiston — 2030” strategiyasida belgilangan vazifalar ijrosi bo‘yicha qanday odamlar tashlanayotgani haqida ma‘lumot berish o‘rinlidir.

► Davomi 4-betda

Dil izhori

HAYOTIM MAZMUNI



2

Yangicha yondashuvlar

SUV TEJAMKORLIGI: AVVAL 900 LITR SARFLANGAN, ENDI 100 LITRGA TUSHDI

Hozir jahon mamlakatlarini birdek o‘ylantirayotgan, ta‘bir joiz bo‘lsa, jiddiy tashvishga solayotgan global muammolardan biri suv tanqisligi masalasi bo‘lib turibdi. To‘g‘ri, mazkur muammo o‘tgan asrlarda ham insoniyatni o‘ylantirgan, ammo bizning davrimizga kelib, masala yanada keskinlashdi. Chunki sayyoramiz aholisining o‘shish tezligi oshib boryapti, demak, tabiiy resurslarga bo‘lgan ehtiyoj ham shunga yarasha. Bir tomondan iqlim o‘zgarishlarining oqibatlari va global isish xavfi bor. Mavjud suv zaxiralari esa yo‘qolib, taqchilik ortib boryapti. Nafaqat ichimlik suv, balki umuman, suv zaxiralari keskin kamayishda davom etayotgani insoniyat oldiga jiddiy choralarni ko‘rish vazifasini qo‘ymoqda.

► Davomi 2-betda

